

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 12-175-2/18 od 26.02.2018. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu:Ugovorni organ)

i

2. **Obrtnička radnja vulkanizer i autopraonica „GUMA“**, ul. Trg Aleja Bosne Srebrne br. 10, identifikacijski broj kod Porezne uprave FBiH Kantonalni ured Sarajevo 4300714410006, koga zastupa vlasnik Šurković Enver (u daljem tekstu:Vršilac usluge)

dana 05.03.2018. godine, u Sarajevu, zaključuju:

UGOVOR O SEZONSKOJ ZAMJENI GUMA NA SLUŽBENIM VOZILIMA KJU „GERONTOLOŠKI CENTAR“ SARAJEVO

OPĆE ODREDBE

Član 1.

Ovim Ugovorom regulišu se međusobna prava i obaveze Ugovornog organa sa jedne strane i Vršioca usluge sa druge strane, u vezi sa zamjenom sezonskih guma na službenim vozilima Ugovornog organa, a sve prema zahtjevima Ugovornog organa broj: 12-175-1/18 od 05.02.2018. godine i Ponudi Vršioca usluge, broj: 01/18 od 19.02.2018. godine, koji čine sastavni dio ovog Ugovora.

PREDMET UGOVORA

Član 2.

Predmet ovog Ugovora je zamjena sezonskih guma na službenim vozilima Ugovornog organa i to:

- a) RENAULT KOLEOS registarske oznake A05-J-637,
- b) ŠKODA FABIA , CLASSIC registarske oznake T97-T-647,
- c) RENAULT KANGOU registarske oznake M82-K-359,
- d) TOYOTA RAW 4 registarske oznake O86-K-351,
- e) VW CADDY registarske oznake O61-K-989.

VRIJEDNOST UGOVORA, NAČIN I ROKOVI PLAĆANJA

Član 3.

Za sezonsku zamjenu guma na službenim vozilima Ugovornog organa iz člana 2. ovog Ugovora, Ugovorne strane saglasno utvrđuju iznos jedne sezonske zamjene guma na službenim vozilima Ugovornog organa u iznosu od **176,00 KM bez PDV-a**. Ukupan iznos za period od dvije (2) godine, a koji podrazumijeva četiri (4) sezonske zamjene guma na službenim vozilima Ugovornog organa u ukupnom iznosu iznosi **704,00 KM i bez PDV-a**.

Član 4.

Ugovorni organ se obavezuje, da će nakon svake izvršene sezonske zamjene guma na predmetnim vozilima, plaćanje ugovorenog iznosa izvršiti u roku od 8 (osam) dana po ispostavljanju fakture.

Plaćanje će se izvršiti na račun Vršioca usluga broj: 1020440000033563, kod Union banke.

Član 5.

Ovaj Ugovor se zaključuje na period od dvije (2) godine.

Vršilac usluga se obavezuje da se ukupan iznos potreban za sezonsku zamjenu guma na službenim vozilima Ugovornog organa iz člana 3. u iznosu od **704,00 KM bez PDV-a**, neće mijenjati u periodu za koji se zaključuje Ugovor.

Član 6.

Rok za izvršenje usluge je jedan dan od predaje vozila.

ZAVRŠNE ODREDBE

Član 7.

Ugovorne strane se obavezuju da obavijeste drugu ugovornu stranu o svim statusnim promjenama, dostavljanjem odgovarajuće dokumentacije u roku od osam dana od dana upisa u nadležni registar.

Član 8.

Za sve odnose koji nisu regulisani ovim Ugovorom, primjenjivaće se Zakon o obligacionim odnosima.

Član 9.

Ugovorne strane se obavezuju na pridržavanje zakonskih i podzakonskih propisa, kao i čuvanje poslovne tajnosti i pridržavanje poslovnih običaja.

Član 10.

Izmjene i dopune ovog Ugovora, osim suštinskih elemenata koji se odnose na iznos i period trajanja, mogu se vršiti u pismenoj formi, uz saglasnost ugovornih strana.

Član 11.

Ovaj Ugovor se može raskinuti pismenim putem ukoliko se jedna od ugovornih strana ne bude pridržavala odredaba istog, uz predhodno izmirenje svih obaveza nastalih po osnovu Ugovora.

Ovaj Ugovor se smatra raskinutim prijemom pismenog obavještenja o raskidu istog.

Član 12.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 13.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

O.r. VULKANIZER I AUTOPRAONICA
„GUMA“

Šurković E.

Broj: _____

Datum: 06. 03. 2018.



UGOVORNI ORGAN

DIREKTOR

Broj: IZ-175-4/18

Datum: 05.03.2018. godine

OBRTHNIČKA RADNJA
VULKANIZER I AUTOPRAONICA
"GUMA"
VL. ŠURKOVIĆ ENVER
ILIDŽA, UL. ALEJA BOSNE SREBRNE BR.10